

գլուխն: Եւ ապա զայր անցանէր արքայ զճանապարհայն և զորս գտանէր խմող ծխոյն, գանել տայր խասէքոց մերձ ի մահ: Եւ եղև սասանութիւն քաղաքիս առ հասարակ: Իսկ յայգուցն մունետիկ աղաղակեալ յամենայն քաղաքս՝ ետտաղ արարին զփակեղս քրիստոնէից, զխայտ և զկապուտն՝ զի բնաւ մի երեեսցի: Եւ ի մեծամեծաց մինչև ցփոքունս եղին գտակ ի գըլուխ եւ զալփաղ, եւ զհանդերձս փոխեցին ի վատ եւ ի տգեղս ամենեւիմբ: Եւ արքայ հանապազ շրջէր ի թէպտիլ՝ տեսանել թէ զի՛նչ իցէ արարմունք իւր: Եւ վանին այն որ եկեալ պղտորս բազումս արար սոցա եւ տուեալ զիր ի ձեռս նմա թէ Աշխարհ այսպէս կառավարի, առաջին՝ զի մի լիցին խմել զմուխն և կանայք մի խայտառակեացին ի փողոցս և քրիստոնեայք մի համարձակեացին ի քաղաքս կամ առ Տաճրկս լիւնել հաւասար զգեստին և բարուց, և այսպիսիք անասելիք: Եւ քան զայն արարմունք արքայի՝ ընդ աւուրբ չուեալ պիղծն յԱրզուում ի տեղի իւր, եւ զի իղձ սրտին կատարեցաւ, որ յառաջագոյն և զեկեղեցին Արզուումայ քակել ետուր եւ մօլնա կանչեց զի մի կրկին լիցի քրիստոնէից: Առաքեցին հրաման եւ վանայ եկեղեցեացն, եւ ծառայքն արքայի որ կան անդէն՝ ոչ թողին քակել: Քակեցին եւ ի Ղարս եկեղեցիք, քակեցին եւ ի Շէպինդարահիսար:

Եւ ապա յետ Ը աւուր գործիք Ֆռանկին որ ի ծովու՝ յաջողեցաւ, և ետ բերել զգլուխ Թէլլաք Մուստաֆայ փաշայի, որ մուհաֆէզէ ի կղզին Միտիլի կայր ի պահպանութիւն կղզոյն, եւ զամենայն գանձ եւ զկարասի նորա էառ յարքունիսն: Եւ զքէհապէկն մազուլ արարին և եղին ի տեղի նորա զոմն զԱրծիպաշի, որ էր երբեմն մունզուր Քիօփրուուլի, եւ արար զիւր քէհեա մազուլ եւ եղ զոմն Լպրահիմ: Եւ